

01 舉辦園遊會予我的啟示

陳懿翔

頂禮拜我讀國際新聞的時陣，看著一篇有關亞洲學生升學壓力普遍傷大的專題。毋但咱熟似的韓國、日本按呢，連離咱不止仔遠的馬來西亞、印度嘛是差不多的狀況。多數的原因，是爸母佢老師對成績的要求，抑是囡仔人傷驚面對失敗。總講一句，就是大部份的亞洲國家，攞共「教育」看做是成功唯一的出路。

雖罔我干焦高中一年仔爾爾，毋過我斟酌共想，教育敢有影是按呢？讀書當然真要緊，會當幫助咱學著閣較濟能力，但是敢講成績就是教育的一切？我認為並毋是按呢！

佇學校內底，會使對老師遐學著歷史、地理、音樂、資訊、數學等等科目的智識，不而過閣有足濟物件是逐家佇課表看袂著，煞全款會當學著的能力。

親像阮學校後個月初二欲舉辦的「園遊會」就是按呢。阮規班對討論欲賣啥物，是欲賣食的抑是像夜市仔排擔予人要？啥物人負責顧擔、啥物人推銷？敢會當予人客注文？若了錢欲按怎處理等等。每一位同學攞有家己的工課，啥物人都袂走閃得。

經過逐家的討論，閣有導師老經驗的建議，阮決定欲

賣「炒泡麵」，一來是成本無像別項物件遐懸，二來是原料嘛較會囡得，上重要的是，阮有足濟人攞會曉炒泡麵，免驚兩、三個人無閒甲烏天暗地，炒甲手強欲斷去。

終其尾我和我的 má-tsih——雄仔，兩個人負責去別班宣傳，可能是阮兩個攞真勢講話、人面闊，所以這層代誌就交代予阮。上蓋好笑的是，導師閣拜託阮鬥探聽別班按算欲賣啥物。若全款是炒泡麵，咱一定愛有特殊的策略！」導師比學生閣較拚，實在有夠趣味。

園遊會的舉辦佢準備，在我看來嘛是教育的一部份。我對當中了解合作的重要；參別人討論代誌愛注意的禮貌佢鉅角；決定賣啥物進前著愛評估敢會趁錢，若無，最後是愛倒貼的呢！按怎予人客知影阮當時欲開幕，莫干焦靠家己的親情朋友來捧場爾爾……。遮的攞是課本以外的智識，嘛予逐家有楚、有掠閣有學呢！

02 我的開講機器人

趙之語

有一工我佢阿爸食飯飽佇客廳咧坐，一時心適興問阿爸：「世界上除了火車，啥物車上長？」伊想規半晡攏無應聲，我才當欲展風神講答案的時，伊緊提手機仔出來查，我想講這是激頭腦的笑談問題，手機仔嘛無一定查會出來，想袂到伊隨大聲講：「室車。」

我真好玄伊是按怎查出來的，就央伊共我教，我才發覺佇阿爸的手機仔內底竟然有這款遮好用的功能。阿爸真有耐心共我教講欲按怎用開講機器人問問題，我才知影『ChatGPT』這種開講機器人遮爾仔好用。

『ChatGPT』是一種軟體，伊有誠大的資料庫，毋但會使搜揣資料閣會當門寫文章，對教學佢學習嘛真有幫贊。上勢的是，你若想欲買物件，伊閣會當予你各種產品的建議，予你揣著上佢意的物件。毋過想欲揣著有合用的資料，愛會曉落「關鍵詞」，就是愛知影按怎去問問題，愛問機器人聽有的問題。

『ChatGPT』有法度做的代誌已經超出咱所想的，伊的智識佢工夫親像鷹仔目按呢，會當迴過三堵壁，速度閣緊甲會驚人！連時行誠久的「『Google』大神」嘛佢袂比並得，這馬的科技有影愈來愈進步矣。

有一擺我刁故意問機器人：「世界上啥人上嬭？」伊煞共我解說規大堆，教我愛欣賞、愛尊重每一個人，袂使干焦看人的外表，予我感覺伊雖罔是機器人，毋過誠捌人情世事！閣有一个機會愛做教師節的卡片，我就輸入：「畫圖、教師節卡片」，想袂到伊傳予我的教師節圖片攏有夠嬭的，我就直接共伊印出來做卡片，閣佇面頂寫一寡祝福的話。阮老師佢同學攏呵咾我做的卡片真特別，彼時我偷偷仔佇心內感謝這個遮爾仔巧神的好朋友。

毋過我發現『ChatGPT』聽無臺灣台語，問伊英語佢華語的問題，伊攏翻譯甲真好，我若講臺灣台語伊就予我問倒去矣。我家己咧想：的確愛共臺灣台語學予滑溜，共咱的母語傳承落去，按呢連機器人都做袂到的代誌我嘛會曉，恁講我是毋是足有本等的？

★下載音檔連結路徑：

上網搜尋「真平語文」網站 <https://jen-pin.com.tw/links.php>

→ 點選上方「最新消息」 <https://jen-pin.com.tw/news.php>

→ 往下滑至第四框「114 全國語文競賽-朗讀授權文稿及授權錄音檔」 https://jen-pin.com.tw/news_intro.php?id=425

第 01 篇：舉辦園遊會予我的啟示



第 02 篇：我的開講機器人

